

THESES
DE MAGIS,

Volente DEO,
publicè tuebimur
NICOLAUS JOH. LUNDE

Præses

&

HENRICUS OLAI BUTZOW,

Respondens


In Auditorio



D. XXX. Nov. Anno M.DCC.IX.

HAVNIÆ, Ex Reg. Majest. & Universit. Typographéo.


A. 5094.



Imprimatur,

J. BARTHOLIN.





I. N. J. C.

THESIS Ima. Dantur Magi & Magæ.

Probant tot illis oppositæ leges in Sacra Scriptura, Exod. XXII. 18. Lev. XIX. 26. 31. — XX. 6. 27. Deut. XVIII. 10. 11.

Probant tot exempla in Sacr. Scripturæ: Ægyptii, Exod. VII. Mulier prædicta pythone Hendori, 1. Sam. XXVIII. 7. 8. Izabela, 2. Reg. IX. 22. Israelitz, 2. Reg. XVII. 17. Manasse, 2. Par. XXXIII. 6. Filia Chaldæorum s. Babylonia, Es. XLVII. 9. 12. Simon, Act. VIII. 9. 11. Barjehu, Elimas, Act. XIII. 6. 8. Puella, Act. XVI. 16. 17. 18.

Probant Exempla tam in historia Ecclesiastica: sic fuere Anno Christi 53. Magus Ægyptiacus quo de Joseph. Antiqv. libr. 20. cap. 5. & Act. XXI. 8. Anno 130. Valentiniani magicis præstigiis clari. Anno 240. Helxaitz. Anno 250. Valerianus Imperator. Anno 975. Dunstanus Cantuariensis Archi-Episcopus. Ao. 1150. Erito s. Eum, magnam secum multitudinem magorum trahens, Et Pontificum Romanorum non pauci, præsertim seculo XI. sc. Sylvester II. Joannes XIX. XX. & XXI. Benedictus VIII. & IX. Gregorius VI. & omnium pessimus Gregorius VII. ut seculum hoc meritò Draconis magni regnum appelletur Apoc. XX.

Quàm in Profana: Zoroastres, Agonaces, Zarates, Hostanes, qui autores Magiæ creduntur Plinio, Justinio, Orosio &c. Pythagoras, ut Plutarchus refert; Libanius & Jamblicus apud Socrat. Theodoret. &c. Item Johanna Harvilleria, & Magdalena Crucia Cordubensis, Abbatissa in Hispania,

Etiam patriâ : ut Othinus, Ollerus, Ericus Ingon: f. Od-
do, Hadingus, & Hagberta, Craca, Guthruna. apud Saxon: Ola-
um Magn., Joh. Magn.

Duobus potissimum vocabulis in sacris veniunt, sc. תַּחֲבֵלִים &
חֲבֵלֵי נֶפֶשׁ: Pythones & Scioli; priori vocab. tanquam Spiritum inclusum significari monstrat Etymon vocis, quæ cum præfixo similitudinis, sicut utres, lagenas, significat Job. XXXII. 19. id quod & observantes LXX. exposuerunt ἐγασπιμύθους, in ventre loquentes. Hinc Esa. VIII. 19. Pythones & arioli dicuntur pipire & mussitare. 3: in ventre suo, intimis faucibus, ita pipire, ut pulli nondum exclusi suo putamine, aut si quid voce efferunt, id ita mussare ut Sibilla ex tripode, sicut etiam Cap. XXIX, 4. extat: E terra egredietur & ex pulvere pipiet sermo. Altera vox a radice טַר, dicitur a notitia, quasi gnostes v. prognostes, & talem importat scientiam, quam quis acquisivit, quando Spiritus suppeditat ipsi communicandas aliis responsiones per Somnia, visiones, figuras, dispositionem viscerum, garritum & volatum avium &c.

Sunt Tales utriusq; sexus, ut plurimum tn. foemini, quod evincunt historiæ, quippe 1. per se nimium creduli 2. vindictæ cupidissimi.

THESIS II da.

Qvos definiunt habere pactum cum Diabolo.

Vel verum, quod volentes & scientes reipsa cum Diabolo ineunt, Impellunt ad hoc vitiosissimi Affectus: Nimia tristitia & melancholia, nimia cupiditas vindictæ, aut rerum occultarum & Novarum, animus non contentus sua sorte, insuper summa Impietas propensissima ad omnis generis voluptates & libidines, prava institutio, interdum seductio per alium magum, &c. Obligationem fieri scripto, patet ex historiis, e. g. De homine quodam Ao, 1530, pro quo Lutherus publicè & privatim oravit, obtinuitq;

itq; ut sub concione in templo Sathan in medium projiceret chirographum sibi ab eodem datum. Simile de Basilio legitur, qui Diabolo extorsit chirographum, quem ipsi dederat Phantas quidam. Spiritus malus, sub certa plerumq; formâ, quæ videri potest, apparens, ministerio sese addicit; ritibus, quibus ipsum colere debeant, & artes, quibus cuncta pro lubitu, se in auxilium vocatâ, efficere queant odocet, & omnia insuper magnifica pollicetur, quibus inquinatissimas mentes inescare solet tartareus Nebulo. Declarat hæc optimè historiâ Matth. IV. 1. — 11. Tale pactum non obscure indicatur verbis בְּעֶלְתָּ לְךָ בְּרִית. 1. Sam. XXVIII. 2. Domina Pythonis, quæ utebatur Diabolo pythonico tanquam servo ipsa Domina. Qvale jam pactum inter Dominum & servum qualis contractus, factus a scientibus, sanis ratione, non furiosis, a volentibus, præmeditatis & in unum conspirantibus, non invitis, aut coactis; talis quoq; inter Magos & Spiritum illum. Hinc etiam vocabula supra explicata tam Sathanam ipsum quam homines Sathanicos denotare deprehenduntur 2. Reg. XXI. 16. 2. Reg. XIII. 24. Actor XVI. 16. Observantibus Mercero, Coccejo, Seldeno.

V. Imaginarium, quod non re ipsa cum Diabolo per mutuum stipulationem aut Datum chirographum ineunt, sed Diabolus his vel stupidis v. semideliris, v. repuerascentibus aut similibus vitiis præditis imprimit fortem imaginationem & opinionem firmam de facto tali fœdere, qua in persuasionem ut ipsos ille contineat, prestigiis ipsorum se accommodat & effectus quandoq; addit.

THESIS III^a.

**Quiq; opinantur ac profitentur
se plurima posse.**

Profitentur, quod possint producere nubes, ventos, pluvias præiniam, grandines, frigora; iterum fulmina, tonitrua, corrusionem, ariditates in perniciem frugum, quæ omnia Anna de Mindelem & Agne se fecisse professæ sunt Ao. 1488. In libr.
In-

Inqvifit. Qvòd morbos & mortem inferre hominibus, bobus, vaccis, eqvis, ovibus & aliis pecoribus, qvòd Staldinum qvendam in Diacefi Laufanenfi pteffum fcribit Niderus. Qvòd poffint fe mutare in Lupos, canes, capras, feles &c. ut oftendit qvando contra Egidium Garnerium Augdunenlem habita Anno 1573. Qvòd pronunciatis vocibus, huat hanat ifta pifta fifta domiebo damnafta, poffint Luxata aut fracta membra refituere, ut refert Gato de R. R. &c. Verbò: Magi fibi omnia videntur poffe, ut de Erichthone Arcade Saga in Luciano, & de Pamphila Theffala in Apulejo Legimus: Saga, inqvitt Apul., divini potens coelum deponere, terram fuspendere, fontes durare, montes diluere, manes fublimare, fidera exftingvere, tartarum ipfum illuminare, qvòd

THESIS IVta.

Qvæ tamen ipfi non efficiunt.

Ad effecta magica producenda utuntur vel certis imprecationum formulis, vel certarum ceremoniarum ritibus. Iftis nihil tale qvòd contendunt præftari poffe certiffimum eft, cum verborum humanorum per fe nulla vis & efficiacia ad producendos aliquos effectus phyficos, multò minùs ordini naturæ contrarios. Et fi qvando feqvitur effectus, fit per aliud qvippiam non propter pronuntiatam illam Imprecationis formulam; fic & Imprecationes pientiffimi hominis feqvi poteft effectus, fed ille non loquenti adfcribendus fed loquentem Exaudienti Deo. Hæfc. ceremoniæ funt ineptiffimæ, rifu dignæ, & multò magis fine viribus. Ut confiet autem planius, qvàm ludicris mediis operationes maximas tribuant, recenfebo nonnulla. Scil. Exiftimant a fe fieri per thus accenfum, varios colores, diverfa ciborum metallorumq; genera, per fcriptas Schedulas in qvibus continentur ignota vocabula: Abracadabra, Buflos, Narthim &c. per additas cruces & alia figna, circulos pictos, per pulveres, ungvta, olea, per ungues, capillamenta, calceorum particulas, filamenta, plumulas, in maffam qvandam redacta; per ceream imaginem, qvam todiunt, &

& sperant se hominem necare ; per funem cerâ incrustatum, quo metiuntur corpus, & sperant hominem tabe infici &c. Talibus ritibus talia negotia nunquam efficiuntur, 1. quia, juxta regulam, quantitatum & formarum externarum nulla est efficacia. 2. Ejusmodi ceremoniæ nullam possident causalitatis rationem. 3. Si homo, nulla sedere Spiritui malo adstrictus, omnes pulveres, characteres, voces, adhibuerit, ne pulici aut pediculô nocebit. 4. Cogitatione & voluntate posse occidere quenquam & privare vitâ, absurdum est ; Nam fatentur Malefici innoxium esse suum venenum, si quis, insciente malefico, etiam corpore attigerit, quod ipsum tamen, si maleficus vel extremæ vestis fimbriæ admoverit, statim enecat. 5. Semper etiam succederet veneficis eventus, & suis agris tempore admodum arido pluvias prospicerent, Judices quæstionem de ipsis habentes interficerent &c. quod tentasse quidem illos sed non potuisse præstare historiæ testantur. Nihili sunt objectiones : 1. Quod secutus fuerit eventus. nam per ceremonias istas hoc non factum. 2. Quod professi fuerint se has artes a diabolo didicisse, alios docuisse, & hanc professionem inter ultimas torturas constanter amplexi. Nam hæc fuit illorum persuasissima sed falsa opinio, & mentis Excoecatio. 3. Exempla de Saulo 1. Sam. XXVIII. & serpentibus Exod. VII. Nam non fuit verus Saul, nec baculi Magorum in serpentes sunt conversi. Sed quamvis inutiles & superflue sint Imprecationes & ceremoniæ, dat operam Nequam genius, ut certò persuadeat magis, his solis deberi eventum, & vult illos manum ad opus adhibere, ne nihil ex sua ista cum veteratore Stygio familiaritate profecisse sibi videantur, & ne otium ipsis relinquat.

THESIS Vta.
Sed Diabolus hæc vel facit vel facere se profitetur.

Profitetur se multa facere quæ facere non potest. Creare ventos, ful-

fulmina, pulices, pediculos, &c. sunt opera solius Dei. Non potuit ignem conjicere super carnes in altari Baalis. Non potuit Pharaoni aut Nebochodonosori reddere aut interpretari amissa somnia, &c. sic ego credidero, Sathanam nullo modo posse mutare formas creaturarum E. g. hominis in selem; ne quidem, permittente Deo. Sed Imo. quæ a Deo fiunt, pessimè traducit perditissimus Spiritus, & persvadet magis hæc a se fieri in illorum gratiam. Sic ubi videt apparari in aëre fulmina, & destinari in unum in aliquod individuum, mentitur se hominem v. bestiam necasse. Sic ubi a Deo jubetur cedere hominem & iterum prohibetur violare amplius, dicit veneficis se istum illorum causa & affixisse & sanasse &c. 2do. Persvadet magis, multa fieri quæ nunquam fiunt, e. g. verti illos in lupos, interfuisse nocturnis conventibus, &c. quod tamen ocularibus observationibus deprehensum est fallum esse. Sed alto somno aut lethargo sopitis objicit per somnia diabolica mille species & formas, ululantium, currentium quatuor pedibus, frendentium &c. aut equitantium in hircis, convolantium ad unum certum locum, ibi se multuò salutantium convivantium, saltantium &c. has autem imagines tam fortiter imprimi, ut postea jurent se in lupos verè versos, se aliò raptos. Atq; insuper inducit membris Lassitudinem, aut si vel. Lupis ex agris aut sylvis in medium productis a Diabolo, vel cadaveribus Lupinis a Spiritu malefico indutis & circumgestatis vulnus a spectatore infligitur, simili vulnere Magos v. Magas cedit, quò firmiter credant revera ita rem fuisse, &c. 3tio. Quæ autem res habeat in negotiis, quæ possunt esse objectum potentie Sathanicæ, Docet Hieronimus, non adscribenda illa esse ceremoniis aut verbis, sed operationi Diabolicæ, cum Dicit, Ceremoniis, a Sathana præscriptis, ritè peractis, Dæmones magis invocatos adstare, &, quæ cupiunt, facere. Innumera itaq; sunt præstigia, imposturae, fraudes, fallaciae, quibus miseros homines circumvenit & dementat infernalis Cacodæmon. Sed Tu, Παῖτερ ἡμῶν, ὁ ἐν τοῖς ἔργοις, μὴ εἰσενέγκῃς ἡμᾶς εἰς πειρασμόν.

